

新體評註

第四冊

東萊博

上海大東書局



新體
評註

東萊博議卷四



穆伯襄仲

文公七年穆伯娶於莒曰戴己生文伯其婦聲己生惠叔戴己卒又聘于莒莒人以幣己辭則爲襄仲聘焉冬徐伐莒莒人來請盟穆伯如莒蒞盟且爲仲逆及鄆陵登城見之美自爲娶之仲請攻之公將許之叔仲惠伯諫曰臣聞之兵作於內爲亂於外爲寇寇猶及人亂自及也今臣作亂而君不禁以啓寇讎若之何公止之惠伯成之使仲舍之公孫敖反之復爲兄弟從之如初

兩意反起
空中立架

怨之於人
甚矣不修

問修怨於君子必以爲非問修怨於小人必以爲是二者皆未爲定論也專於報怨者商鞅范雎之徒耳專於忘怨者老聃莊周之徒耳吾聖人未嘗修怨亦未嘗忘怨權其小大輕重而中持衡焉

不忘說得極平極淡

將小大輕重又進一天步喚出天合二字

兄弟屬天人皆知之說來親切

未嘗倚一偏而主一說也。穆伯爲襄仲聘婦於莒中道而奪之。夫豈細怨也哉。而惠伯周旋其間。委曲調護。始釋其憾。終全其恩。彼非不知輕重大小之所在也。蓋穆伯之於襄仲。兄弟也。怨之小大。輕重。在他人可言耳。兄弟之間。豈較小大輕重之地哉。以人合者。有時而離。以天合者。無時而離。兄弟之屬天也。人怨不足以害之。襄仲之怨穆伯。以人觀之。則固大矣。重矣。以天觀之。則兄弟之親與生俱生。而不可離。豈以恩怨而加損哉。雨暘變於前而太虛之眞體未嘗動也。恩怨交於前而兄弟之眞情未嘗動也。襄仲向者之怨。私情之怨耳。今者之解。私情之解耳。乃若胸中之天。則向無怨。而今無解也。不然。豈惠伯立談之頃所能解耶。焚廩捐階之虐。

指出象之
夫即傲弟
不容不化
於善

十三
治棲入宮之侮。百世之後。讀其書者。猶爲舜切齒。而舜之恩意。源
源不絕者。非以德報怨也。以弟待象。而不以象待象也。以天觀象。
而不以人觀象也。蓋鬱陶思舜。乃象之天。彼傲而害舜者。特象之
人耳。舜之胸中。純乎天。故見象之天。而不見象之人也。使惠伯立
於舜之廷。將化於舜之天。而不自知爾。雖有喙三尺焉。攸用。
十六 十七

【評】

李衷一曰。中段提出天合。恩怨有所不受。○朱字綠曰。兄弟之間。不可較怨一語。可救

人倫之患。○張明德曰。恩怨報復。總是人情。天理四字。可以解釋得清楚。穆伯爲襄仲娶於莒。
中道奪之。怨孰甚焉。而得惠伯片言。釋怨而全恩。文於平淡中。說得親切醒快。中間喚出天合
二字。更見根底。千古入倫之變。於舜而極。而處之恬然。胸中純乎天理也。

【音釋一】

①【襄仲】穆伯從父弟。

②【鄆陵】莒邑。

【音釋二】

③【商鞅】戰國衛人。少好刑名之學。相秦孝公。定變法令。廢井田。開阡陌。改

賦稅之法。封於商。號商君。孝公卒。被殺。④【范雎】戰國魏人。說秦昭襄王。以遠近交攻之策。得爲相。封應侯。史記謂其一飯之德。必償。睚眦之怨。必報。⑤【老聃】姓李。名耳。字伯陽。諡曰聃。周守藏室史。著書名老子。嘗曰。報怨以德。聃他庵切。⑥【莊周】戰國蒙人。嘗爲漆園吏。著書十萬餘言。其要本歸於老子之言。⑦【權】稱錘也。所以稱物而知輕重者。用爲處事公平之喻。⑧【持衡】（唐書李石傳）天下之勢。猶持衡衡。俗謂之秤。⑨【惠伯】魯大夫。⑩【雨暘】（書洪範）曰。肅時雨。若曰。父時暘。若暘。音陽。晴也。⑪【太虛】天也。⑫【焚廩捐階】（孟子萬章篇）父母使舜完廩。捐階。瞽瞍焚廩。階。梯也。⑬【治棲入宮】（又）象曰。二嫂使治朕棲。象往入舜宮。舜在牀琴。象曰。鬱陶思君耳。⑭【切齒齒相磨齧。奮怒之貌。⑮【鬱陶】思之甚而氣不伸也。⑯【喙三尺】唐陸慶善論事而短於判。人嘲之曰。說事則喙長三尺。論事則手重五斤。見（本傳）喙。虎穢切口也。⑰【焉攸用】猶言何所用。

先軫死師

兩意並提
側重難持
數語言悔
心難發
轉入難持

僖公三十三年夏四月辛巳敗秦師於殽獲百里孟明視西乞術白乙丙以歸遂墨以葬文公晉於是始墨文嬴請三帥曰彼實構吾二君寡君若得而食之不厭君何辱討焉使歸就戮於秦以逞寡君之志若何公許之先軫朝問秦囚公曰夫人請之吾舍之矣先軫怒曰武夫力而拘諸原婦人暫而免諸國墮軍實而長寇讎亡無日矣不顧而唾公使陽處父追之及諸河則在舟中矣釋左驂以公命贈孟明孟明稽首曰君之惠不以累臣釁鼓使歸就戮於秦寡君之以爲戮死且不朽若從君惠而免之三年將拜君賜秦伯素服郊次鄉師而哭曰孤違蹇叔以辱二三子孤之罪也不替孟明孤之過也大夫何罪且吾不以一眚掩大德狄伐晉及箕八月戊子晉侯敗狄於箕卻缺獲白狄子先軫曰匹夫逞志於君而無討敢不自討乎免胄入狄師死焉狄人歸其元面如生

至難發者悔心也至難持者亦悔心也凡人之過很者遂之詐者文之愚者蔽之吝者執之誇者諱之怠者安之孰能盡出數累之外而悔心獨發者乎然是悔也未發則憂其難發既發則憂其難

心中曲折
搜剔殆盡
絲忽難瞞

難持之累

卽繳題面
文勢勁捷

持悔心。初發自厭。自愧。自怨。自咎。焦然不能以一日安。苟無以持之。則自厭者。苟且弛縱。必入於自肆矣。自愧者。退縮羞赧。必入於自棄矣。自怨者。鬱積繳繞。必入於自懟矣。自咎者。憂憤感激。必入於自殘矣。是悔固可以生善。亦可以生不善也。萬斛之舟。非遇大風。則不回。苟無以持之。因風而反溺者多矣。一念之悔。其勁烈蓋甚於風焉。烏可不知所以持之耶。吾觀先軫之死。未嘗不嘉其悔。而又傷其無以自持也。軫以不顧而唾。無禮於君。及箕之役。深悔前過。免胄而死於狄師。一念之勁烈如此。使有以持之。固可一日而收克己復禮之功矣。惟其無以持之。不用是力於禮義。而用是力於血氣。身爲元帥。總三軍之重。輕棄其身。身死無名。驕敵遺笑。

勉勵將才
亦須學問

殆與自經於溝壑者等耳。先軫意在於改過而反。至於生過失不
在於悔。而在於不能持其悔也。風之無力者。不能回舟。至於風力
之勁者。惟善操舟者。爲能持之。悔之無力者。不能遷善。至於悔力
之勁者。惟善治心者。爲能持之。使軫果能持其悔。則舒泰恬愉之
地。自有真樂。何至輕殺其身哉。惜乎軫之不能持其悔也。

【評】

孫月峯曰。寫人情歷歷如見。不知世故。不可以爲文章。○王鳳洲曰。只就悔心難持四
字。翻論到底。句句名言。○朱字綠曰。說不能持悔心。引風爲喻。一段極親切有味。○先軫爲人
氣質粗猛。始而唾其君。既而死於敵。同一暴氣也。其唾君死敵。均爲國事。初非有所私。但於寇
之既縱。卽爭之已遲。而何至於唾於寇之方來。正當嚴其旗鼓。而何爲免胄以死。是所謂血氣
之勇。不能自克者也。東萊欲引之舒泰恬愉之樂。似非所以告戰陣之士。然敦詩說禮。乃大將
才。則其言未爲迂也。○張明德曰。拈定難持二字。千迴百折。反覆辯難。總是得孟夫子養氣大

意推勘得透。後又歸根治心上頭。正是持其志。無暴其氣之意。先軫果操持到這等地位。又何有免胄入師之事。不獨行文勝人幾籌。卽此等經濟。此等學問。亦周程張朱遺派也。○篇末引先軫以泰舒恬愉之樂。乃東萊先生進將才以學問。令作風流之儒將耳。若謂非所以告戰陣之士。拘矣。夫戰陣之士。軍中自有紀律。尤當聽命於大帥之旗鼓。亦非可以粗暴猛戾爲也。

【音釋一】

①【殺】地名。在今河南。②【墨】（左僖）子墨衰絰。文子未葬。以凶服

從事。故墨之。③【文嬴】晉文公始適秦。秦穆公妻之。爲襄公嫡母。④【暫】猶卒也。

⑤【唾】免臥切。吐出口液也。⑥【釋左驂】欲使還拜謝。因而執之。⑦【累臣疊鼓】

累。囚繫也。殺人以血塗鼓。謂之疊鼓。⑧【眚】過也。⑨【箕】箕山。在今河南。⑩【逞

志於君】謂不顧而吐。⑪【元】首也。

【音釋二】

①【難持】猶言不由自主。②【遂】順意也。③【文】音問。（論語子

張篇）小人之過也。必文。謂掩飾也。④【苟且】媿合之謂。⑤【弛縱】放肆也。⑥【

退縮】不前進也。⑦【羞赧】慚愧貌。⑧【鬱積】不舒也。⑨【繳繞】猶言纏繞。繳

讀如皎。⑩【懟】渡內切。怨之深也。⑪【憂憤】心懷不平而憂鬱也。⑫【感激】心

有所感而激發也。⑤【殘】害也毀也。⑥【萬斛之舟】（晉書石季龍載記）徙洛陽鐘簾翁仲造萬斛舟以渡之。⑦【勁烈】強猛之義。⑧【一日克己復禮】（論語顏淵篇）一日克己復禮天下歸仁也。克己勝其私欲復禮復其天性。⑨【不用是力於禮義】（禮聘義）勇敢強有力而不用之於禮義戰勝而用之於爭鬪則謂之亂人。⑩【血氣】（孟子注）小勇血氣所爲。⑪【自經於溝壑】（論語子路篇）豈若匹夫匹婦之爲諒焉。自經於溝壑而莫之知也。經縊也。⑫【操舟】（莊子）津人操舟若神操運使也。⑬【舒泰】寬緩也。⑭【恬愉】安適也。⑮【殺其身】（禮文王世子）爲人臣者殺其身有益於君則爲之。

相術

文公元年王使內史叔服來會葬。公孫敖聞其能相人也。見其二子焉。叔服曰：穀也食子，難也收子。穀也豐下，必有後於魯國。宣公四年，初楚司馬子良生子越椒。子文曰：必殺之，是子也熊虎之狀，豺狼之聲，弗殺，必滅若敖氏矣。昭公二十八年，初叔向娶於申公巫臣氏，生伯

立意高
兩喻夾正
意行

一語斷定

術者原不
敢與吾道
爭

應荀卿何
其不自愛

石伯石始生姑視之及堂聞其聲而還曰是豺狼之聲也狼子野心非是莫喪羊舌氏矣

勢相敵而後訟未有非其敵而訟者也親屈公卿之貴而與阜隸
訟親屈巨室之富而與窶人訟親屈儒者之重而與卜祝訟勝之
不武不勝爲笑適自卑而已矣荀卿以大儒而著非相之篇下與
卜祝較何其不自愛也彼挾相術以苟衣食者卑冗凡賤廁迹於
巫醫優伶之間仰視儒者如斥鷃望大鵬於羊角扶搖之上敢有
一毫爭衡之心乎荀卿譎譎與相師辨連簡累牘而不已是書一
出相師之氣坐增十倍以謂我何人也彼何人也今彼乃明目張
膽極其辯而與我爭曲直若恐不勝者是必我之道可以與彼抗
也由是卜祝之流相勸相勉相形之術遂蔓延於天下矣然則荀

提出孔子
壓倒荀卿

二人言禍
福亦非卑
允相術孔
子猶不取

反一句推
孔子之意
以入荀卿
之罪

卿之於相術。將以排之。適以助之。非相之篇。吾恐未免爲是相之篇也。自孔子以前。相術固已概見於世矣。若周叔服相公孫敖之。二子一言其必食子。一言其必收子。是以相而預言人之福也。子文及叔向母。見越椒伯石之始生。一言其必滅若敖氏。一言其必喪羊舌氏。是以相而預言人之禍也。數十年之後。福焉而福。禍焉而禍。無一不合。誇於口者有之。筆於書者有之。孔子未嘗過而問焉。豈孔子衛道之心。反緩於荀卿耶。孔子以謂天下之曲技小術。雜然而不可縷數。如蝸蟬^{廿四}鼃^{廿五}自鳴自止。本不足爲吾道之輕重。苟獨取其一而辯焉。則天下必以爲是術也。至勞聖人與之辯。必其道可與聖人抗。殆將有陷溺而從之矣。是反爲吾道增一異端^{廿六}。

再應不自
愛從孔子
身上說相
術不必非
但付一笑

孔子相書

也。天下本未嘗以異端待相術。荀卿強斥以爲異端而與之辯。無
故而爲吾道增一異端。非荀卿之罪耶。吾嘗觀孔子周游於天下。
鄙夫陋人。每以區區相術而窺之。有曰。類類堯也。項類皋陶也。肩
類子產也。孔子與門弟子聞之。不過付之一笑耳。乃若吾夫子之
門。自有相書。申申廿八天天。卽孔門相容貌之術。閭閻侃侃。卽孔子相
言語之術。翼如。檐如。卽孔門相步趨之術。勃如。愉如。卽孔門相顏
色之術。曾子傳此以相人。故發而爲動容容貌之論。子思傳此以相
人。故發而爲動乎四體之論。孟子傳此以相人。故發而爲眸子瞭
眊之論。荀卿得孔門之相書。將心醉服膺之不暇。何暇非他人
之相書耶。

【評】

茅鹿門曰。末段語帶調笑。正完其不足與辯之意。○孫月峯曰。絕異端以不辯。自是聖人居上流之法。而又就相冷敲熱棒。痛喝一番。奇文妙義。匪夷所思。○楊升菴曰。落筆矜貴。東萊胸次。曠然可想。○袁中郎曰。掀翻名理之窟。妙在以遊戲出之。○朱字綠曰。說小術不足與較。占得地步高。發得議論透。○荀子謂相形不如論心。論心不如擇術。形相雖惡而心術善。無害爲君子。形相雖善而心術惡。無害爲小人。亦是透關之論。然穀難形相善而心術亦善。越椒伯石形相惡而心術亦惡。故不若置之不辨之爲得也。○張明德曰。星相術數之說。各立門戶。非聖賢光明正大道理。與之辨論。已於吾道樹敵。篇中引夫子以爲證據。深關荀子非相之篇。多此一說。自是衛道正旨。又從孔子身上說出多少相法。東萊善於解嘲。另是一種筆法。

【音釋一】

①【相術】辨人之官體容色。以決禍福之術。（漢書蒯通傳）僕嘗受相人術。②【公孫敖】魯穆伯。③【穀也食子】穀。文伯食子。奉祭祀供養者也。食。音嗣。④

【難也收子】難。惠叔收子。葬子身也。難。乃多切。⑤【豐下】面方。⑥【子良】楚令尹

子文兄。⑦【若敖】楚鬬氏。⑧【姑】晉叔向母。婦人稱夫之母曰姑。⑨【羊舌】叔

向氏。

【音釋二】

①【阜隸】皆賤役。（左傳昭公七年）士臣阜。阜臣與。與臣隸。②【巨室

【世臣大家也】^⑤【塞人】貧陋之人。^⑥【卜祝】卜卜人祝宗廟之官。^⑦【勝之不

武二句】見（左傳襄公十一年）^⑧【荀卿】戰國趙人名况亦稱荀卿著書曰荀子。

⑨【非相篇】荀子作。^⑩【卑亢】下劣也。^⑪【巫醫】巫爲人祈禱醫爲人治病。^⑫

【優伶】優謂雜戲伶謂樂人。^⑬【斥鷃句】（莊子逍遙遊）有鳥焉其名爲鷃背若秦

山翼若垂天之雲搏扶搖羊角而上者九萬里絕雲氣負青天然後圖南且適南溟也斥鷃笑

之曰彼且奚適也（注）扶搖旋風也殺羊角紋團紐而上鵬之盤風似之斥鷃小鳥也。^⑭

【繞繞】希玄切多言也。^⑮【明目張膽】言無顧忌（唐書）韋思謙曰丈夫當敢言地

須要明目張膽以報天子。^⑯【蔓延】如蔓草之延長不斷也。^⑰【蜩蟬】（詩七月篇

）五月鳴蜩（疏）蜩蟬一物方俗異名蜩音調。^⑱【鼃黽】鼃古蛙字黽音猛（周禮秋

官）蜩氏掌去鼃黽黽亦鼃類鼃陸居黽水居。^⑲【異端】（論語注）非聖人之道而別

爲一端。^⑳【類類堯三句】（家語）孔子適鄭與弟子相失獨立東郭門外或謂子貢曰

東門外有一人焉其長九尺有六寸河目隆額其頭似堯其頸似皋陶其肩似子產然自腰以

下不及禹者三寸縈焉如喪家之狗子貢以告孔子欣然而歎曰形狀末也如喪家之狗然乎

下不及禹者三寸縈焉如喪家之狗子貢以告孔子欣然而歎曰形狀末也如喪家之狗然乎

哉然乎哉。④【申申天天】（論語述而篇）子之燕居申申如也天天如也。（注）申申其容舒也天天其色愉也。⑤【闇闇侃侃】（論語鄉黨篇）朝與下大夫言侃侃如也與上大夫言闇闇如也。（注）侃侃剛直也闇闇和悅而諍也。⑥【翼如襜如】（又）衣前後襜如也趨進翼如也。（注）翼如鳥舒翼襜整貌。⑦【勃如愉如】（又）君召使擯色勃如也私覲愉如也勃變色貌愉和也。⑧【動容貌】論語曾子言。⑨【動乎四體】見（禮中庸）。⑩【眸子瞭眊】（孟子離婁篇）胸中正則眸子瞭焉胸中不正則眸子眊焉。（注）瞭明也眊者蒙蒙目不明之貌。⑪【心醉】傾倒之至如爲酒所醉（列子說符篇）鄭有神巫曰季咸列子見之而心醉。⑫【服膺】見前。

晉侯朝王伐衛

文公元年晉文公之季年諸侯朝晉衛成公不朝使孔達侵鄭伐縣訾及匡晉襄公既祥使告於諸侯而伐衛及南陽先且居曰效尤禍也請君朝王臣從師晉侯朝王於溫先且居胥臣伐衛五月辛酉朔晉師圍戚六月戊戌取之獲孫昭子衛人使告於陳陳共公曰更伐之

我辭之。衛孔達帥師伐晉。君子以爲古。古者越國而謀。

主客並起

誅心之論

以父喻君
議自正大

因人而有過者。君子不謂之過。因人而有善者。君子不謂之善。因人而過。猶鑑遇嫫母而醜。本非鑑之醜也。因人而善。猶木託泰華而高。本非木之高也。爲善由己而由人乎哉。晉襄公卽位而朝王於溫。人皆善其尊周也。及考其朝王之由。蓋將討衛之不朝。故身先朝周以責之。然則尊王之善。豈襄公之本心哉。則吾知晉襄之旆未必入於周境矣。彼因人而有善者。果足以爲善耶。臣之於君。猶子之於父也。子必因責人而始敬父。則父得子之敬寡矣。臣必因責人而始朝君。則君得臣之朝寡矣。又况子之敬父。自敬汝父耳。於人何有。臣之朝君。自朝汝君耳。亦於人何有。使晉襄之事周。